



**R. P. Ferdinandi De Castro Palao, Legionensis Soc. Iesv,
Sacrae Theologiae Professoris, Et sanctae Inquisitionis
Qualificatoris & Consultoris; Operis Moralis, De Virtutibus,
Et Vitiis Contrariis, In ...**

Continet Tractatum Serie Vigesimo-Octavo De Matrimoniis, &
Sponsalibus, cum Indicibus necessariis

Castro Palao, Fernando de

Lugduni, 1669

Reverendissimo In Christo Patri, F. Lvcae VVaddingo Menapiensi: Gentis
Hybernicæ Lvmini: Minorum de Obseruantia nuncupatorum Commissario
Generali: Collegij hybernorum S. Isidori in Vrbe Antictiti: S. ...

[urn:nbn:de:hbz:466:1-76659](https://nbn-resolving.org/urn:nbn:de:hbz:466:1-76659)



REVERENDISSIMO IN CHRISTO PATRI,

F. LVCÆ VVADDINGO
MENA PIENSI:

GENTIS HYBERNICÆ LUMINI:
Minorum de Obseruantia nuncupatorum
Commiffario Generali: Collegij Hyberno-
rum S. Isidori in Vrbe Antifliti: S. Theologiæ
olim Profefiori: Trium Ordinum S. Francifci
Chronographo illuftri: In fupremo Tribuna-
li Inquifitionis Romanæ Cenfori: Et in fagra
Congregatione INDICIS, aliifque Confef-
fibus Confultori: Viro Religiofiffimo, Pieta-
te & Doctrinâ confpicuo, ac de Republica
Chriftiana tum libris editis, tum rebus gef-
tis benè merito,

S. P.



PELLAMVS Nomen, tum publicè no-
tum, tum priuatim, quod noftris cu-
fumque Typis, per Europam totam celebratur.
Nam cui ignotus Scriptor S. Francifci notiffi-
mus? Qui inufitato ab omni æuo miraculo, lu-
cem matri, quam ipfa largitur liberis, reddidit.
Ita fanè, PATER REVERENDISSIME, Tu de
fanctiffimo Patriarcha tuo meritis optimè, quam illi Deus nume-
rofiffimam fubiecit sobolem, mortalem tamen, & obliuionis telo
crudelius interituram quàm mortis; eam, inquam, fic à tumulo vin-
dicas, fic à morte, fic in vitam reftituis, fic ab omni fati periculo
fancis, vt in omnium mentibus viuâ & vegatâ, fit futura orbi co-

2 2 aua.

æua. Quo beneficio Deum, quantum homini fas est, assequeris, quas enim Animas immortalitate donauit, earum Tu memoriam, perituram alias, æternasti. Opus incomparabile, quo res dignitate summas, maiestate amplas, varietate iucundas, numero immensas, sanctitate mirabiles, ita complexus es; ut æquale argumento tanto ingenium, nec varietate distractum, nec numero obrutum, nec maiestate præstrictum, sanctitati totum se applicuerit, quam in legentes deinde transfunderet. Id nempe est, ad tui Francisci saporem scribere, pietatem & amorem Christi inserere, narrare ita ut doceas, docere ut moueas. Sed nec vnis scriptis de tuo Ordine totaque Ecclesia summè meritis es; quales scribis viros, voce & exemplo talem te exhibes; cum Doctrina clarus & pietate, quod docuisti verbo, id & vitâ doces; nec efficacius profligas vitia, quam virtutum vsu & amore. Nam tua illa Doctrina in scholis, in Tribunalibus Inquisitorum, in Religiosis confessibus explorata, hostes Ecclesiæ domat, triumphat, & in pœnas vocat: at summa Pietas, morumque probitas singularis, virtutis hostes suauiter vincit, & à vitis transfugas ad se abducit; ut Religioni non minus sanctis artibus quàm aperto Marte, non minus pacis studiis quàm districto ferro inseruias. Quæ cum omnibus Romæ tam pateant, quàm scripta tua toti Europæ; temerarium fortasse esset appellare te nostro nomine, nisi & pro tua humanitate & pro Animo nostro, quem gratum in Te cupimus summoperè, in spem venissemus, hanc tibi nostram non molestam fore voluntatem, quæ nos cum iubeat obstrictissimos Tibi profiteri, id etiam speramus à Te impetrabit, ut si quid in eo peccauimus, condones, ac nos habeas Tibi in perpetuum Addictissimos.